



МОНГОЛ УЛСЫН ЗАСГИЙН ГАЗРЫН ТОГТООЛ

2023 оны 02 сарын 01 өдөр

Дугаар 40

Улаанбаатар хот

“Шинэ Хархорум” хотын бүтээн байгуулалтын асуудал хариуцсан захиргаа байгуулах тухай

Монгол Улсын Засгийн газрын тухай хуулийн 30 дугаар зүйлийн 1 дэх хэсэг, Улсын Их Хурлын 2020 оны 52 дугаар тогтооюур баталсан “Алсын хараа-2050 Монгол Улсын урт хугацааны хөгжлийн бодлого”-ын 8.2.3, Улсын Их Хурлын 2020 оны 24 дүгээр тогтооюур баталсан “Монгол Улсын Засгийн газрын 2020-2024 оны үйл ажиллагааны хөтөлбөр”-ийн 3.7.5, “Орхоны хөндийд “Шинэ Хархорум” хот байгуулах тухай” Улсын Их Хурлын 2023 оны 01 дүгээр сарын 12-ны өдрийн 07 дугаар тогтоолыг тус тус үндэслэн Монгол Улсын Ерөнхийлөгчийн 2022 оны 230 дугаар зарлигийг хэрэгжүүлэх зорилгоор Монгол Улсын Засгийн газраас ТОГТООХ нь:

1.“Шинэ Хархорум” хотын бүтээн байгуулалтын асуудал хариуцсан захиргааг байгуулсугай.

2.Захиргааны дүрэм, бүтэц, орон тоог баталж, удирдлага, зохион байгуулалтаар хангаж ажиллахыг Барилга, хот байгуулалтын сайд Ц.Даваасүрэнд үүрэг болгосугай.

3.Захиргааны үйл ажиллагаанд 2023 онд шаардагдах зардлыг Барилга, хот байгуулалтын сайдын батлагдсан төсвийн багцын Хөшигийн хөндийн бүтээн байгуулалтын асуудал хариуцсан захиргааны үйл ажиллагааны зардлаас зохицуулалт хийж санхүүжүүлэхийг зөвшөөрч, цаашид шаардагдах зардлыг жил бүрийн улсын төсвийн төсөлд тусгаж байхыг Сангийн сайд Б.Жавхлан, Барилга, хот байгуулалтын сайд Ц.Даваасүрэн нарт тус тус даалгасугай.

4.“Шинэ Хархорум” хотын бүтээн байгуулалтын асуудал хариуцсан захиргааны үйл ажиллагаанд дэмжлэг үзүүлж, салбар хоорондын уялдааг хангаж, хамтран ажиллахыг Засгийн газрын гишүүдэд үүрэг болгосугай.



МОНГОЛ УЛСЫН ЕРӨНХИЙ САЙД

БАРИЛГА, ХОТ БАЙГУУЛАЛТЫН САЙД

Л.ОЮУН-ЭРДЭНЭ

Ц.ДАВААСҮРЭН